

docriver 文川网
入驻商家
在文川网搜索古籍书城 获取更多电子书

中國方志叢書·華中地方·第九三號

據

清·王錫元等纂
清·光緒十七年刊本·二十九年重校本

影印


安徽省

盱眙縣志稿

(一)

成文出版社有限公司印行

91275



10094180

中國方志叢書·華中地方·第九三號

據

清·王錫元等纂
光緒十七年刊本·二十九年重校本


影印

安徽省

盱眙縣志稿

(二)

成文出版社有限公司印行



10094179

5421/10

盱眙縣志彙序

癸卯重校本

丁酉春余在安宜見盱眙王公蘭生出所撰其邑志彙刻本爲贈越二年公謂余曰老夫志彙體例有不逮者子盍言諸余曰公所爲私志也其例目備官書也然就中所有細繹旨趣實一家著錄之寶非尋常志乘有體例無文章者比也讀公之志不欲以志例論請近就

國朝諸賢所爲書分別言之疆域形勢備述沿革上符分星下及產物旣志九域兼賦三都綜貫經史網羅散佚乃取洪北江疆域志之義而參用汪容夫廣陵通典之體也山川古蹟能說古事並登人文類及歌咏窮搜

docsriver 文川网
入驻商家 古籍书城

在文川网搜索古籍书城 获取更多电子书

小說加以辨證則顧亭林昌平山水記鄭萑畦石柱記箋釋之類也建置田賦學校軍制之屬興衰舉廢綱目條析稽攷故寔務崇典雅多集古書不尙已見則隱用經訓堂校正長安志岱南閣纂輯括地志之意也秩官貢舉人物列女編年擬宰輔之錄題名仿郎官之柱法襄陽之記而增益忠義參子政之例以登錄賢節其敘次有法修詞精好則變通乎傳經表疑年錄之旨而以盧雅雨沈歸愚詩人小傳之筆潤色乎其際也若夫藝文金石序跋題記一一登載無則列目唯恐或失則雜取乎經義攷小學攷訪碑錄金石記之例也祥禳蠲振

兵事終之以大端而分紀其本末則節取馬宛斯釋史之例以當補志也兵事之末躬親聞見著爲信錄又吳梅村綬寇紀略之類也雜記餘緒用錄無歸兼收博采裁割精密王漁洋宋牧仲高江村諸所著錄都未能過論地志專體則厲太鴻東城雜記焦里堂邗記之比也至於總覽全帙攷前書之訛繆發諸家所未有淹通博雅毫髮無憾則皆用阮文達十三經校勘記之力盧抱經羣書拾補之見以爲之者也公之書至矣備矣三百年來罕與敵矣僕又何言哉光緒己亥冬十一月江都方爾謙謹敘

目目期元應

卷首尾

一一

盱眙縣志彙後序

余旣承蘭叟命作盱眙志彙敘叟見之笑曰君子亦爲
諛詞乎頌而無規非所望於吾子也曰善哉微公之命
僕亦將有言焉僕受公書讀之三年矣初覩名目固以
爲一邑之乘爾披覽諸敘文約而義贍盎然有沖和之
氣亦謂志體宜有也及見卷中條注多列異書非儉腹
所能乃依類玩索欣喜有得由是推之公之書誠一家
秘笈當爲天下後世所共稱悅惜拘於志例未得自由
令人猝然讀之不見其中之美也公善讀書者也凡紀
事之書遇分門編錄多質少文者心知其詳歎爲具體

把卷在手但觀大略而已若夫叢鈔小史粲陳古今偶述大事雜以辨證山川人物隨意登載執文之屬搜次精好都所聞見不盈一寸每當經眼片言無遺展玩再四若恨其少人之恒情也古之良史多出一人之手而班范兩書歐陽五代史小宋新唐書卒不逮史記之美者史遷名山私著傳一人志一事隨所欲爲以成文章班范歐宋作一代官書雖有舊史可采體例條目反爲拘比名曰自出機杼終寄他人籬下耳今公有史遷之筆可著書爲娛乃設班范歐宋官書之例重自牽縛儼若通人名士受當路之聘立局自隨采訪搜輯必求其

備有不得已而爲之者又舉數十年讀書識力己所獨到之處蘊蓄乎行字之間散布於篇目之隅令懵無識者指爲蒙席舊有依人而行焉譬猶織冰絲於疏布投崖蜜於白水汨沒其精華而不自覺也且公嘗稱畢弁山洪北江諸人所爲書矣其輯晉太康地記補十六國疆域志之屬設盡以所得列於原書不復自爲一編百年而後誰克知其用心哉僕江都人請舉江都私志爲公言之汪氏中焦氏循里之聞人也有廣陵通典邦記二書兩人之年不躋中壽殘編小稟未成鉅觀而身歿以後海內名流奉爲寶笈公書如疆域大事之屬多集

古書以述舊聞容夫之志也宜用通典例別爲一冊他
如山川辨支祁之事建置詳楚姑之年因竹垞詞綜以
補列女藉陋軒詩句而攷秩官研精覃思比核有味處
乎是列凡百餘事宜用邗記之體萃其精英加之證說
從心甄錄無事區別其或者舊之記山水之志聞見之
錄攷古之編就中披揀復爲他卷亦可意事也昔南宋
石林草窗倦翁諸賢及

國初王漁洋高江村輩一人紀事釐分數編著錄之體
雖病瑣細到今藏書之家轉相鈔刻不絕如縷未嘗不
以其簡要版片紙印易於精良也公若以志彙備官書

之用更卽原帙輯所自有孤行於世不特閭里之士尊
爲舊聞宇內同志咸願得其鱗爪刊以精本傳之無窮
矣僕今少年所見卑弱比歲以來辱承教誨春秋佳日
酒座高譚狂夫有言輒蒙心賞忘年折節譽不容口相
知之感有逾骨肉用敢直言無隱公其笑而置之不以
爲罪公曰是吾心也吾老矣當以子言列吾書之後告
來者焉己亥冬十二月爾謙又敘

10

盱眙縣志彙序目

重校本

盱眙縣志明以前不傳今所見者

國朝康熙乾隆同治三志遺文軼事尙多失載爰集同人參稽考證成志彙十七卷較康熙志增十之八九乾隆志增十之三四同治志增十之六七時歷十稔草經數易而抵牾漏略終所不免本擬再求精審自顧衰年恐一旦並此失之遂付梓人以備異日修志之采擇編纂者爲山陽高廷第邑人吳燾山陽徐嘉邑人秦其增分輯者爲山陽李鍾駿程鍾楊嘉穀李鴻年沈家駒段朝端鹽城陳玉樹邑人楊瑞麟采訪者爲邑人張善魯

王丙炎傅漢章繕錄者爲邑人張源深楊毓麟繪圖者
爲邑人宋雲麟校對者爲邑人王廣堯王廣澤王業恒
惟考沿革之分合訂舊志之譌誤則鄙見爲多工旣竣
誌其緣起如此光緒辛卯夏六月邑人王錫元

卷一 疆域

卷二 山川

卷三 建置

卷四 田賦

卷五 學校

卷六 軍制

卷七 秩官

卷八 貢舉

卷九 人物

卷十 列女

卷十一 古蹟

卷十二 藝文

卷十三 金石

卷十四 祥禋

卷十五 蠲振


卷十六 兵事

卷十七 雜記


docsriver 文川网
入驻商家 古籍书城


在文川网搜索古籍书城 获取更多电子书

盱眙縣志橐各圖



山川圖





河淮

老子山

山下

聖山

塌山

斗山

象山

藏山

大山頭

第一山

天台山

清風山

上

龜山


太華山

寶頂山


洪澤湖

縣治圖







山
城
圖
卷
之
一




街市圖






文廟圖




五

五

五







縣署圖

docsriver 文川网
入驻商家 古籍书城

在文川网搜索古籍书城 获取更多电子书





試院圖